

Ilanngussaq 1. Suliassat nukissamik sipaarniarfiusut

Suliassat nukissamik sipaarniarfiusut allattorsimaffiat, taakkunungalu suliassat *illumut tamarmiusumut* tunngasutut suliarineqassappata § 10, imm. 1 naapertorlugu taarsigassarsititsisoqarsinnaavoq, kiisalu tak. § 11, imm. 3.

Illup ilaani imaluunniit *illumi tamarmiusumi* suliassanit taaneqartunit ataaseq amerlanerusulluunniit suliarineqassatillugit, suliassanut nukissamik sipaarniarfiusunut taarsigassarsiarititasat illut ilaannut ataasiakkaanut tunngatillugu annerpaaffissaq tikillugu annertussuseqarsinnaapput.

1. Qaliat/ qilaat. 25.000 koruuninik annerpaaffilerneqartut.

Kiffiutissat inissaqartitsineq apeqqutaalluni minnerpaamik mineraluld-it 200 millimeterinik issussusillit issoqataannik issussuseqartariaqarput.

Kiffiusersuereernerup kingorna kiffiutissat issussusaat annerpaamik mineraluld-it 275 millimeterinik issussusillit issoqataannik issussuseqarsinnaapput.

- a) Qaliarsuarmut kiassagaanngitsumut qilaap oqorsarneqarnera.
- b) Qaliata atorneqartup oqorsarneqarnera (qaliani ini qullerpaaq, iikkat uingasut, iikkat tunui, qaliani init kiassagaanngitsut tungaannut iikkat).
- c) Iikkat tunuisa qaliarsuillu ammartartuisa oqorsarneqarneri.
- d) Qilaanik qalianillu oqorsaareernermi ikaartarfiusalersuineq pisariaqartunillu silaannarissarfilersuineq.

2. Naqqit. 25.000 koruuninik annerpaaffilerneqartut.

Kiffiutissat inissaqartitsineq apeqqutaalluni minnerpaamik mineraluld-it 200 millimeterinik issussusillit issoqataannik issussuseqartariaqarput.

Kiffiusersuereernerup kingorna kiffiutissat issussusaat annerpaamik mineraluld-it 225 millimeterinik issussusillit issoqataannik issussuseqarsinnaapput.

- a) Silammut imaluunniit naqqup ataanut silaannarissakkamut naternik oqorsaaneq.
- b) Naqqup ataanut kiassagaanngitsumut naternik oqorsaaneq.

3. Ikkat silarliit. 25.000 koruuninik annerpaaffilerneqartut.

Ikkanut oqitsunik sanaajusunut kiffiutissat inissaqartitsineq apeqqutaalluni minnerpaamik mineraluld-it 175 millimeterinik issussusillit issoqataannik issussuseqartariaqarput

Kiffiusersuereernerup kingorna kiffiutissat issussusaat annerpaamik mineraluld-it 225 millimeterinik issussusillit issoqataannik issussuseqarsinnaapput.

- a) Iikkanik silarlernik oqitsunik sanaajusunik oqorsaasersuineq.
- b) Iikkanik silarlernik oqimaatsunik sanaajusunik oqorsaasersuineq.

4. Ussissaatit. 5.000 koruuninik annerpaaffilerneqartut.

a) Igalaat matullu listii ussissaatit.

b) Igalaani matunilu ussissaatit ussiitsut taarsersorneqarneri.

c) Ikkani silalerli qalliutit qisuit pladillu katinnerinik ussiitsunik ussissaaneq.

5. Igalaat. 25.000 koruuninik annerpaaffilerneqartut.

a) Igalaani sinaakkusikkani ussissunik igalaalersuineq.

b) Igalaat ussiitsut igalaanik ussissunik taarsersorneqarneri (sinaakkutaat ilanngullugit).

6. Kiassaateqarfik. 5.000 koruuninik annerpaaffilerneqartut.

Kiffiutissat inissaqartitsineq apeqqutaalluni minnerpaamik mineraluld-it 50 millimeterinik

issussusillit issoqqataannik issussuseqartariaqarput.

Kiffiusersuereernerup kingorna kiffiutissat issussusaat annerpaamik mineraluld-it 100 millimeterinik issussusillit issoqqataannik issussuseqarsinnaapput.

- a) Iermik kissartuliuttip oqorsarneqarnera.
- b) Qitiusumik iermik kissartuliuttip oqorsarneqarnera.
- c) Iermut kissartumut aqquitit oqorsarneqarnerat.

7. Atortulersuutit. 5.000 koruuninik annerpaaffilerneqartut.

- a) Kiassaatinut termostatventiilit.
- b) Init kissassusaanik piffissami aalajangersimasumi appartitsisartut (unnuami).

8. Suliassat nukissamik sipaarniuteqarfiusut allat. 25.000 koruuninik annerpaaffilerneqartut.

- a) Kiassaammik uuliatortumik uunnaavianillu ukiut 15-it sinnerlugit pisoqaassuseqartumik taarsiineq.